

Fa dinako di le  
bokete ...



**bible society**  
of south africa

## Ga o nosi

Go na le dinako tseo sengwe le sengwe e keteng ga se tsamaye sentle mo botshelong jwa gago. E ka nna sengwe le sengwe go tloga ka leso la mongwe yo o ratiwang, tlhalo, botsalano jo bo fedileng kgotsa go latlhegelwa ke tiro. Ditatlhegelo tseno maswabi ano a ka go tlogela o ikutlwia o hutsafetse, o tsielegile kgotsa o tletse boipusulusetso.

## Modimo o tshwenyega ka wena

O fodisa ba ba dipelo  
di phatlogileng,  
o fapa dintho tsa bona.

DIPESALOME 147:3

O fudisa letsomane la gagwe  
jaaka modisa;  
o phutha dikwana ka letsogo,  
a di tshola mo sehubeng,  
a iketlisa tse di amusang.

JESAYA 40:11

“Modimo o tla phimola dikeledi tsotlhemo matlhong a bone; loso ga lo ne lo tlholo lo nna teng, le bohutsana le selelo le botlhoko ga di ne di tlholo di nna teng; gone dilo tsa ntlha di fetile.”

Yo o ntseng mo sedulong a bua a re:  
“Bona, dilo tsotlhemo ke a di ntšhwafatsa!”

TSHENOLO 21:4-5a

## Thitibalo ka nako ya setsuatsue

Ka nako ya mathata, maikutlo a rona a re fekeetsa. Re nna le kgatelelo ya maikutlo fa re tshwaya Modimo phoso gore o a re swabisa. Le fa gontse jalo o re netefaletsa go nna teng ka gale mme o ritibatsa kgotlhlang e e mo teng ga rona.

Gonne o buile ka osi wa re: "Ga nka ke ka go tlhokomologa le e seng go go tlogela ka gope." Ke ka moo re tiang moko re re:

"Morena ke mothusi wa me,  
ga nkitla ke boifa;  
motho a ka ntirang?"

BAHEBERE 13:5b-6

"Dilo tse ke di buile le lona gore lo nne le kagiso mo go nna. Lo tla nna le pitlagano mo lefatsheng, mme namatshegang, ke fentse lefatshe."

JOHANE 16:33

## Go bona lesedi

Fa re utlwa botlhoko, re na le go ganelela mo seo se leng phoso mme re sa bone tsela ya go tswa moo. Beibele e re rotloetsa go leba dilo tse di siameng le go lebala tse di fetileng.

"Fa wena o baakanya  
pelo ya gago,  
fa o o tsholeletsa diatla,  
fa diatla tsa gago  
di na le bokgopo, bo tlose!  
A tshiamololo e se nne  
mo lapeng la ga eno!  
Ee, foo sefatlhego sa gago  
o tla se tsholetsa o se na molato;  
o tla bo o tlhomame  
o sa boife sepe.  
Ee, foo o tla lebala tapisego;  
fa o e gopola e tla tshwana  
le metsi a a fetileng.  
O tla selwa ke bophelo  
go phala lesedi la motshegaré.  
Fa go fifala,  
go tla tshwana fela le fa bo sa."

JOBE 11:13-17



E gatisitswe le go phasaladiwa ke  
Bible Society of South Africa.  
[www.biblesociety.co.za](http://www.biblesociety.co.za)



Bibles and audio Bibles are  
available on the **BibleSA** app.